

ՊՈԼՍԻ ՀԱՅ ՀԱՄԱՅՆՔԸ ԵՎ ՆՐԱ ԲԱՆԱՀՅՈՒՍՈՒԹՅՈՒՆԸ
(ըստ 1996 և 1997թթ. ժողովրդագիտական դիտարկումների)

Վ. Գ. ՄՎԱԶԼՅԱՆ

1453թ. թուրքերի կողմից Կոստանդնուպոլսի ստումից հետո սուլթան Ֆաթիհ Մեհմեդ Երկրորդն այն դարձնում է օսմանյան պետության մոր մայրաքաղաք՝ վերանվանելով Ատամբուլ։ Երկրի ներքին զավառներից¹ մափադրում է հայ վարպետների ընտանիքներ, որոնք ոչ միայն ավելի են ստվարացնում հայ համայնքը, այլև իրենց մտքի և բազկի շնորհիվ գեղեցկություն և փայլ են հաղորդում մոռակերտ մայրաքաղաքին։

1461թ. հիմնադրվում է Թուրքիայի Հայոց պատրիարքությունը, որին սուլթանը շնորհում է եկեղեցական և համայնքային որոշ իրավունքներ։ Հետագա տարիներին պոլսահայերի թիվը աստիճանաբար բազմապատկվում է Մերաստիայից, Կեսարիայից, Թոքատից, Ակնից, Սուշից, Կիլիկիայից և այլ զավառներից եկած, աշխատանք որոնող պանդուխտներով։ Ձալալիների ապստամբության շրջանում (XVI դարավերջ – XVII դարասկիզբ) պոլսահայ գաղթօջախը համալրվում է ոչ միայն արևմտահայ, այլև արևելահայ վերաբնակիչներով։

Պոլսի հայ համայնքը միատարր չէր։ Ամենաստվար խավը բաղկացած էր արքեպիսկոպոսներից, պանդուխտ մշակներից և սևագործ բանվորներից։ Արքեպիսկոպոսները համախմբված էին էսմաֆությունների (համքարություն) մեջ։ Մեծ համբավ ունեին հայ ոսկերիչները, մետաքսագործները, երկաթագործները, դերձակներն ու ժամագործները։ Ունեւոր դասը կազմված էր հոջաներից, չելեպիներից, հետագայում՝ ամիրաններից, ինչպես նաև առևտրավարկատվական դասի ներկայացուցիչներից, որոնք իրենց դրամագլխի և գործարարության շնորհիվ հասել էին ազդեցիկ դիրքերի, կապեր էին հաստատել արքունիքի հետ և գործում դեր էին կատարում Թուրքիայի տնտեսական ու քաղաքական կյանքում։ Հայ մեծատոններին (ամիրաններ) էին վստահված արքունի պետական կարևոր պաշտոնները։ Օրինակ՝ Հարություն Պեգեյան ամիրան սուլթանի խորհրդականն էր, ոսկերչությունն ու դրամահատությունը Տյուգյաններն էին ղեկավարում, վառողապետությունը՝ Տալանները, ճարտարապետությունը՝ Պալյանները։ Այդ պաշտոնները մրանք վարում էին սերնդից սերունդ՝ ժառանգաբար։ Հայերն

¹ Հիմք ընդունելով «Օսմանյան պետության պատմությունում» (*Hamer, Geschichte des Osmanischen Reich* 1834, p.524) արտահայտված այն միտքը, թե Կ. Պոլսի գրավումից հետո սուլթան Ֆաթիհ Մեհմեդը նվաճեց Կաֆան (1475թ.) և այնտեղից իր մայրաքաղաքը վախադրեց 40 հազար անձ, Հր. Աճառյանը եզրակացնում է. «Պոլսի հայերը գաղթել են Խրիմից և բնականաբար բոլոր այդ բառերը (թուրքերեն – Վ. Մ.) ստած պիտի լինին Խրիմի թաթարներից, ուստի և Զ-ի փոխարեն հնչում են՝ Խ ճիշտ Նոր-Նախիջևանի հայոց նման» (Հ. Աճառյան, Զննություն պոլսահայ բարբառի, Ե., 1941, էջ 9)։

ունեցել են նաև Օսմանյան կայսրության կառավարության քղաքականության, հեռագրական, համարային շինարարության, երկրագործության, արտաքին գործերի և այլ նախարարների, իսկ հետագայում՝ նաև օսմանյան խորհրդարանի երեսփոխաններ: Ունեցողների շարքն են դասվել նաև միջնորդ վաճառականները, որոնք կազմակերպում էին թուրք-եվրոպական ավանդական առևտուրը:

Կ. Պոլսի հայ համայնքն ուներ նաև անվանի մտավորականներ՝ մանկավարժներ, հոգևորականներ, դերասաններ, գրողներ, բժիշկներ, փաստաբաններ, նկարիչներ, երաժիշտներ, որոնք գործում մասնակցություն էին ցուցաբերում ոչ միայն արքունիքի ու պոլսահայերի, այլև ամբողջ արևմտահայության հասարակական-քաղաքական կյանքին: Պետության կողմից հայ համայնքի ղեկավար էր ճանաչվում Հայոց պատրիարքությունը:

Ինչպես անցյալում, նույնպես և ներկայումս հայ համայնքի կրոնական, կրթական, բարեգործական, գրական և զեղարվեստական բոլոր կազմակերպությունները հենվում են Հայոց պատրիարքության և նրան ենթակա կազմակերպությունների վրա: Հ. Ճ. Սիրունին, անդրադառնալով Կ. Պոլսի եկեղեցիներին, նշում է. «Ամբողջ դարեր հայ եկեղեցին պատնեշ մըն է եղեր հայ ժողովրդի գոյության համար, պահպաներ է իր հովանիին տակ անոր հոգեկան ժառանգությունը, հուսադրեր է զայն փորձությանց ատեն»²:

Թուրքիայի հայությունը, իբրև կազմակերպված համայնք, պատրիարքարանի գլխավորությամբ մինչև օրս պահել է կրոնական, կրթական և բարեսիրական հաստատությունները Ստամբուլում: Պատրիարքը պետն է Թուրքիայի հայոց Առաքելական եկեղեցիների և ընտրվում է պատգամավորական ժողովի կողմից: Նույն ձևով ընտրվում է նաև կրոնական ժողովը: Այժմ Կ. Պոլսի Հայոց պատրիարքն է Ամենապատիվ տեր Սեբրոսյ արքեպիսկոպոս Սուրաֆյանը: Հայոց պատրիարքությունը համալրված է նաև ընտրյալ անդամներով, որոնք տարաբնույթ աշխատանքներ են ծավալում զանազան հանձնախմբերում:

Հոգաբարձությունները, որոնք ընտրվում են չորս տարով, կառավարում և ապահովում են ընդհանուր համայնքային հաստատությունները, ինչպիսիք են Ս. Փրկիչ ազգային հիվանդանոցը, Կարազյոզյան որբանոցը: Հոգաբարձություններն ունեն Տիկնանց և Երիտասարդաց օժանդակ հանձնախմբեր:

Հայ համայնքի հասարակական կյանքի եռանդուն և գործուն օղակները քաղային խորհուրդներն են, որոնք ևս ընտրվում են չորս տարով՝ յուրաքանչյուր քաղի հայ բնակչության կողմից: Թաղային խորհուրդները տեղական համայնքներն ապահովող և կառավարող մարմիններ են, որոնց պաշտոնն է պայծառ պահել քաղի եկեղեցին և դպրոցը:

Համայնքային կրոնական կյանքը կենտրոնացած է եկեղեցիների շուրջ: Ստամբուլում և զավառներում հայերն ունեն 42 եկեղեցի, որոնք բաժանվում են 6 վիճակների. ա. Հին քաղաք – 16 եկեղեցի, բ. Արևմտյան Բոսֆոր – 11 եկեղեցի, գ. Արևելյան Բոսֆոր – 7 եկեղեցի, դ. Իշխանաց կղզիներ – 1 եկեղեցի, ե. Գավառ – 6 եկեղեցի, զ. Կրետե կղզի – 1 եկեղեցի:

² Հ. Ճ. Սիրունի, Պոլիս և իր դերը, հ. Ա, Պետքութ, 1965, էջ 662:

Թուրքիայի կառավարության թույլտվությամբ և Հայոց պատրիարքության ջանքերով ու համայնքի նյութական միջոցներով, մահ Մեսրոպ արքեպիսկոպոս Մութաֆյանի անմիջական հսկողությամբ վերջերս վերանորոգվել են Կեսարիայի Ս. Գր. Լուսավորիչ (1996թ.) և Մամանդադի (Մուսա լեռ) Վազըֆ գյուղի Ս. Աստվածածին (1997թ.) եկեղեցիները: Բարենորոգվել է մահ Գընալը կղզու Ս. Գր. Լուսավորիչ եկեղեցին:

Գրեթե բոլոր եկեղեցիներն ունեն իրենց Դպրաց դասը և դպրապետը՝ ընտրված Դպրաց դասի ընդհանուր ժողովի կողմից: Թուրքիայում ներկայումս գործող բոլոր եկեղեցիները մեկը մյուսից հոյակերտ են՝ օժտված բոլոր հարմարություններով, ամենուրեք տիրում է անբասիր մաքրություն և աստվածահաճո մթնոլորտ: Այդ եկեղեցիների մեջ, բացի ամենօրյա ծամերգություններից ու կիրակնօրյա Ս. Պատարագից, բազում հավատացյալների ներկայությամբ հաճախ են կատարվում հայ քրիստոնեական մկրտություններ, ճոխ ու շքեղ հարսանեկան հանդեսներ, մեջեցյալների հոգեհանգստյան արարողություններ:

Պոլսի առաջին կանոնավոր հայ դպրոցը, որտեղ պատրաստվել են ուսյալ եկեղեցականներ, 1715թ. Սկյուտարի քարձուռնին հիմնել է Հովհաննես Կոլոտ Բաղիշեցի պատրիարքը (1678-1741): Այդ արժանավոր հոգևորականի անվան հետ է կապված մահ Մայր մատենադարանի ստեղծումը և դրա շարունակությունը հանդիսացող Ազգային մատենադարանի հիմնումը, որոնք շատ կարևոր դեր են կատարել հայ մշակույթի զարգացման հետագա գործընթացում:

Այժմ Ստամբուլում գործում են 18 վարժարաններ, ընդ որում՝ հինգ լիցեյ՝ Դալաթիայի Կեդրոնականը, Թաքսիմի Էսայանը, Սկյուտարի Ս. Խաչը (մախկին Դպրեվանք), Մամաթիայի Սահակյան-Նունյանը և Փանկալթիի Վիեննական Սխիթարյանը: Հիշարժան են Գումգարուի Պեզդյան Մայր վարժարանը, Մաքրեգյուղի՝ Տատյան, Ֆերիզյուղի՝ Մերամեքճյան, Գատըզյուղի՝ Արամյան-Ունճյան, Թուֆգարուի՝ Լևոն Վարդուհյան, Օրթագյուղի՝ Թարգմանչաց, Եշիլգյուղի՝ Ս. Ասահակ-Ս. Մեսրոպ, Սկյուտարի՝ Գալֆայան-Երմոնյան վարժարանները, Սեմերճյան ճեմարանը, Մամաթիայի և Փանկալթիի Անարատ հղության և Պոմոնթի Վենետիկյան Սխիթարյան վարժարանները և ի վերջո՝ Կարագյոզյան որբանոցը:

Այս ուսումնական հաստատությունները Թուրքիայի պետական կրթական տնօրինության ծրագրի համաձայն և ավանդական հայեցի դաստիարակության հիման վրա շարունակում են իրենց կրթալուսավորական գործունեությունը: Գրեթե բոլոր հայաշատ քաղամասերն ունեն իրենց վարժարանները և մանկապարտեզները: Դպրոցներում, բացի հայոց լեզվի և կրոնի դասերից, քարձր հիմքերի վրա է դրված հատկապես թուրքերենի և այլ օտար լեզուների ուսուցումը, քանի որ քարձրագույն ուսումնական հաստատություններ ընդունվելիս կարևորվում է այդ լեզուների իմացությունը:

Գրեթե բոլոր վարժարաններին կից սիրահոժար հիմունքներով գործում են Սանուց միություններ, որոնք զանազան գեղարվեստական միջոցառումներով (բանախոսություններ, քատերական ներկայացումներ, մարմնամարզական հանդեսներ, համերգներ, ցուցահանդեսներ) և հրատարակություններով ջանում են վսա պահել համայնքի հայեցի մշակութային կյանքը:

Պոլսահայերն ունեն մահ համայնքային մի շարք կազմակերպություններ, որոնցից նշանակալից են Փանկալթիի «Թրքահայ ոսուցչաց հիմնարկը», Կարագյոզյան Սանուց միության՝ Գընալը կղզու «Կազդուրման կայա-

նը», որտեղ Իշխանաց կղզիների տեսուչ Մեսրոպ արքեպիսկոպոս Մութաֆյանի քննադատմամբ «համայնքի նվազ քախտավոր մանկիկները կուզան ամառվա ընթացքին մաքուր օդեն, ծովեն և քնությունեն օգտվելու, ֆիզիկապես կազդուրվելու»: Նոր սերունդը մեծ եռանդով է կապված Թաքսի-մի մարզական և Շիշլիի մարմնամարզական միությունների հետ:

Կ. Պոլսի հայ համայնքը սերնդից սերունդ սրբությամբ պահում է նաև հայկական 16 զերեզմանատներ, որոնք համայնքի նվիրյալների ջանքերով մշտապես մաքուր են և քարեկարգ:

Պոլսահայ մամուլն ամենայն մանրամասնությամբ արձագանքում է ինչպես աշխարհում և երկրում կատարված իրադարձություններին, նույնպես և համայնքային մեծ ու վտքը հոգսերին: Բացի «Ժամանակ» (խմբագիր՝ Արա Քոչումյան) և «Նոր Մարմարա» (խմբագիր՝ Ռոբերտ Հատտեճյան) հեղինակավոր օրաթերթերից, 1996 թվից լույս է տեսնում և մեծ ժողովրդականություն վայելում երկլեզու (հայերեն և թուրքերեն) «Ակոս» շաբաթաթերթը (խմբագիր՝ Հրանդ Տիմք): Ամեն շաբաթ հայերեն և թուրքերեն լեզուներով լույս է տեսնում և եկեղեցիների մեջ ձրիաբար քաժանվում «Պոլսահայ պատրիարքության լրաբերը»: Տեղեկատվական այս հրատարակությամբ հանգամանորեն ներկայացվում են շաբաթվա բոլոր օրերին Հայոց պատրիարքության իրականացրած ազգային և միջազգային արժեք ներկայացնող աշխատանքները: Լույս է տեսնում նաև եկեղեցական, մշակութային և քանասիրական ընդգրկում ունեցող «Շողակաթ» հանդեսը (խմբագիր՝ Մութաֆյան սրբազան):

Համաշխարհային բժշկագիտության նորագույն հայտնագործությունների և Ս. Փրկիչ ազգային հիվանդանոցի տարրեր քաժանմունքներում ներդրված արդիական տեխնիկայի, հիվանդանոց-ծերանոցի առօրյայի և մշտապես կատարվող բարեգործությունների մասին է ավետում «Ս. Փրկիչ» պատկերազարդ, գունավոր և շքեղ ամսագիրը (խմբագիր՝ Մաքրուհի Պ. Հակոբյան):

Լույս են տեսնում նաև Կեղդոնական սանուց միության «Հոպիմա» և «Լուսատու», ինչպես նաև Մխիթարյան սանուց միության «Նոր սան», Ուսուցչաց հիմնարկի «Ժպիտ» և Ս. Խաչ լիցեյի աշակերտության գրական-մշակութային «Փունջ» հանդեսները:

Ի պատիվ Թուրքիայի հայ համայնքի, պետք է արձանագրել, որ Հայոց պատրիարքության գլխավորությամբ գործող բոլոր ենթակա եկեղեցիներն ու մշակութային կազմակերպություններն իրենց ամենօրյա եռանդուն միջոցառումներն իրականացնում են շնորհիվ հայ համայնքի խնայողասեր, բայց վեհանձն ներկայացուցիչների սիրահոժար նվիրատվությունների, որոնք, այդ զեղեցիկ ավանդույթը ժառանգելով իրենց արժանավոր նախորդներից, դառնում են իրենց իսկ համայնքի կենսունակության և հարատևության գրավականը:

Պաշտոնական տվյալներով Մտամբուլում ներկայումս հաշվվում են շուրջ 60 հազար հայ, իսկ զավառներում՝ հազիվ 5 հազար: Նրանք զբաղվում են մեծ մասամբ առևտրով և տոհմիկ արհեստներով: Անցյալի պոլսահայ մտավորականության ներկայացուցիչներին հաջորդել են նոր աճուններ՝ Ն. Խրախունի, Ջահրատ, Ռ. Հատտեճյան, Ա. Տիրազան, Իզմա Մաբրալան, Ջ. Պիպեոյան, ինչպես նաև նոր սերնդի նվիրյալ ուսուցիչներ, համբավավոր բժիշկներ, իրավաբաններ, ճարտարապետներ, որոնք մասնագիտացել են Թուրքիայում կամ արտասահմանյան այլ երկրներում և իրենց նպաստն են բերում երկրին ու հայ համայնքին:

Թուրքիայում եղած օրերին, մենք հնարավորություն ունեցանք հանդիպել հայ համայնքի սեռաաարիքային տարրեր խմբերի ներկայացուցիչների և գրի առնել շուրջ 1517 միավոր քանակությամբ մեծ ու վտքը մյուսը:³

Պոլսահայոց քանակությունը, հայ ժողովրդի քանակոր մշակույթի քաղկացուցիչ մասը կազմելով, դարերի ընթացքում զարգացել է հայ ժողովրդի քանակությամբ համընդհանուր ավանդներով, սակայն ընդհանրությունների և մանությունների հետ միասին նաև ներառել է խիստ բնորոշ և ինքնատիպ յուրահատկություններ, որոնք պայմանավորված են նրանց ապրած անցյալ ու ներկա կյանքի պատմահասարակական համագամքներով:

Հանրագումարի քերելով մեր գրառած քանակությամբ տարաբնույթ մյուսերը՝ հարկ է նշել, որ առաջին անգամ գիտականորեն համակարգված ներկայացվում է պոլսահայոց ժողովրդական քանակության ժառանգությունը՝ իր ժանրային ու թեմատիկ տարատեսակներով: Սեր գրառումների անտիպ հավաքածուն ընդգրկում է՝ I. ԱՐՉԱԿ ԲԱՆԱՀՅՈՒՍՈՒԹՅՈՒՆ – 258 միավոր, II. ՉԱՓԱԾՈՒ ԲԱՆԱՀՅՈՒՍՈՒԹՅՈՒՆ – 131 միավոր, III. ԱՍՈՒՅԹԱՅԻՆ ԲԱՆԱՀՅՈՒՍՈՒԹՅՈՒՆ – 1008 միավոր, IV. ԾԵՍԵՐ – 3 միավոր, V. ԵՐԳԵՐԻ ԵՂԱՆԱԿՆԵՐ – 17 միավոր, ընդամենը՝ 1517 միավոր:

Թուրքիայի տարրեր գավառներից Ստամբուլ եկած և բնակություն հաստատած արդի պոլսահայոց պատմականորեն ձևավորված և սերնդից սերունդ ժառանգված քանակոր ստեղծագործության մեջ որոշակի քաժին է կազմում ժանրային ու թեմատիկ քազմագանությամբ հարուստ ԱՐՉԱԿ ԲԱՆԱՀՅՈՒՍՈՒԹՅՈՒՆԸ: Այս քաժնում ընդգրկված են՝

1. ԱՌԱՍՊԵԼՆԵՐ ԵՎ ՀԵԶԻԱԹՆԵՐ (16 միավոր): «Արամ քազավորի որդի Արա Գեղեցիկը» և «Տրովադայի առումը» առասպելների մեջ գերբնական ու չափազանցված գույներով արտացոլված են հայ և հույն ժողովուրդների վաղմջական կյանքում տեղի ունեցած իրական դեպքերն ու դեմքերը: Պատմական այդ իրադարձությունները դիցաքանական մտածողությամբ մեկնաքանված են որպես գերբնական ուժերի արգասիք: Իսկ «Բարիք ըրե՝ ծովը նետե», «Հովիվ աղջիկը», «Արհեստին ուժը», «Աշխարհ տեսած տղան», «Մարդուն խըսմեթը», «Երջանիկ մարդը» և այլ խոհափիլիսոփայական հեքիաթների թեման երջանկության իմաստը որոնող, վաղանցիկ կյանքի խորհրդավորության դեմ հանդիման կանգնած մարդն է՝ իր առօրյա հոգսերով:

Իրապատում հեքիաթների մեջ («Պզտիկ ախպարը», «Ամենեն անուշը և ամենեն կծուն», «Նամիչքին գորությունը») գովերգվում է աշխատասիրությունն ու պարկեշտ վարքը: Այս հեքիաթներն ընդհանրապես ուսուցողական-դաստիարակչական բնույթ ունեն:

2. ԱՎԱՆԴԱԿԱՆ ՋՐՈՒՅՅՆԵՐ (11 միավոր): Թուրքիայի հայոց տեղանվանական գրույցներն են, որոնք գողտրիկ ավանդությունների միջոցով մեկնաքանում են զանազան տեղանուններ («Հեյալեյի կղզիին Հույսի վանքը», «Մեծ կղզիին Ս. Գեորգ ուխտատեղին», «Պուրկաս կղզիին Ա. Հովհաննես եկեղեցին», «Մուրադատուր Ս. Կարապետը», «Հայր Արքահամին

³ Ծագումով պոլսահայ, ականավոր լեզվաքան Հրաչյա Աճառյանի և իր քրոջ՝ Արմենուհի Աճառյանի գրի առած քանակությամբ որոշ մյուսեր լույս են տեսել «Ազգագրական հանդեսում» (գիրք IX, Թիֆլիս, 1902, էջ 160-196):

որթատունկը», «Կիլիկիայի Կոռիկոս բերդը», «Խըտըր Բեկի սոսու ծառը» և այլն):

3. ԿՐՈՆԱԲԱՐՈՅԱԽՈՍԱԿԱՆ ՁՐՈՒՅՑՆԵՐ (32 միավոր). քեման մեծ մասամբ աստվածաշնչյան է, քանի որ ըստ պոլսահայերի, «Աստվածաշունչը պետք է ամենուն բարոյականության արմատը դառնա»: Ինչպես օրինակ՝ «Աստծո պատգամը», «Աստծո դրած անունները», «Աստծո տված բախտը», «Աստծո տված պատիժը», «Աստծո նախախնամությունը» և այլն: Սակայն կրոնաբարոյախոսական այս կարգի զրույցները սոսկ աստվածաշնչյան դրվագների պարզ վերարտադրություններ չեն, այլ յուրաքանչյուրն ունի իր սյուժետային գծի ուրույն զարգացումը, որը հասնելով իր զագաթնակետին, ժողովրդական ստեղծագործությանը հաղորդում է ոչ միայն բարոյախոսական երանգ, այլև հասարակական հնչեղություն: Օրինակ՝ «Եթե կու տաս, Աստված քեզի ավելի շատ կու տա», «Աստված բաժանող», «Մուհամմեդի պատգամը», «Մուհամմեդը և հայ Հակոբը», «Միությունը զորություն է» և այլն:

4. ՉԱՎԵՇՏԱԿԱՆ ՁՐՈՒՅՑՆԵՐ (53 միավոր): Ծիծաղը մշտապես ուղեկցել է պոլսահային, որն իր կենսունակ և կենսասեր փիլիսոփայությունը խտացրել է ժողովրդական հետևյալ խորհմաստ ասույթի մեջ. «Մեկ քահիլը՝ խալիպ մը պրզուլա (խորոված) կ'արժեն»: Նա ծիծաղի միջոցով քննադատել է նաև մարդկային արատները՝ ծուլությունը («Ծույլ հարսը», «Ծույլ ատաղձագործը»), ստախոսությունը («Պարտքը չտվող կռակակարը», «Դերձակը և հաճախորդը»), հաշվեճկատությունը («Հաշվեճկատ սափրիչը»), ագահությունը («Դատավորը և ավագակը»), զագախոսությունը («Փիս քերանը»), գողությունը («Եկեղեցվո գողը»), «Մենք Ամտուտունը և գողը», «Նորոժ վարդապետը»), քիմախնդրությունը («Զեն պահող մարդը»), հարստության տենչը («Տղան և բժիշկը»), «Երիտասարդները և հարուստը») և այլն:

Այս բաժնում առանձին շարք են կազմում խենթերին նվիրված զավեշտական զրույցները, որոնց մեջ մտապակասը պատրաստ է նույնիսկ այծի մագերը հաշվել, միայն թե բժիշկն իրեն տուն ուղարկի («Խենթի փյուստեքին»): Սակայն խենթանոց այցելած, խենթերի գլխաքանակը հաշվող առողջ մարդուն «կապվելու խենթը» զարմացնում է իր խելացի խոսքով. «Դուն զնա՝ դուրսինները հաշվե. անոնք մեզմե ավելի շատ են»: Պատասխան, որը ենթադրում է խելացու համբավ հանած մարդկանց խենթության հասած տարօրինակությունները:

Չավեշտական զրույցների մեջ հատուկ շարք են կազմում նաև արևելյան հայտնի վիպական կերպար Նասրետտին խոջայի շուրջ հորինված զրույցները, որոնցից տեղեկանում ենք, թե այդ հանրահայտ կերպարը ապրել է Թուրքիայում, և նրա գերեզմանը գտնվում է Աքսարայում: Պոլսահայոց շրջանում Նասրետտին խոջայի զավեշտական, քայց և ուսանելի զրույցների այսքան տարածվածությունը (11 միավոր) վկայում է հայ և թուրք ժողովուրդների դարավոր համակեցության, մշակութային ազդեցությունների ու փոխազդեցությունների մասին:

5. ԱՌԱԿՆԵՐ ԵՎ ԿԵՆԴԱՆԱԿԱՆ ՁՐՈՒՅՑՆԵՐ (21 միավոր): Զևով՝ սեղմ, բովանդակությամբ՝ այլաբանական այս ստեղծագործություններում պոլսահայերը կենդանական կերպարների միջոցով գեղարվեստորեն պատկերում են մարդկանց հոռի և արգահատելի արատները՝ ստախոսությունը («Գայերը և հովիվը»), ագահությունը («Օձը և Մարդը», «Ձուկը և Մարդը»), խորամանկությունը («Այուծը անտառի թագավորը»), խաբեբա-

յությունը («Սգավոր Քեքիկը», «Փիրե-ոջիլը»), մեծամտությունը («Ուղտը և ճամճը»), երախտամոռությունը («Կրիան և Կարիճը», «Գորտը և Մուկը): Այս ստակներում չարը միշտ պատժվում է: Որոշ առակներում բարի և անմեղ կենդանիների օրինակով գովերգվում են հնարամտությունը («Շունին խելացի տերը»), երախտապարտությունը («Երախտագետ Արջը», «Տելիհիններու շնորհակալությունը», «Ջգայուն ճայերը») և այլ բարոյական արժանիքներ:

6. ԿԵՆՏԱՂԱՅԻՆ ՁՐՈՒՅՑՆԵՐ (54 միավոր): Այս կարգի ժողովրդական բանավոր ստեղծագործություններն իրական, տեղային հենք ունեն, որոնք փոքր ծավալի մեջ գեղարվեստական հյուսել գույներով պատկերում են Թուրքիայի տարբեր գավառների հայության յուրահատուկ կենցաղը, ինքնատիպ բարքերը, բարոյականության վերաբերյալ նրանց ունեցած տարբեր չափանիշները: Կ. Պոլիսը անցյալում «Պզտիկ Փարիզ ըլլալ կը հավակներ», և գավառներից Պոլիս եկած, քուրքերեն չգիտցող, դեռևս իրենք իրենց չգտած, խեղճ ու կրակ գավառացիները («դրսեցիներ») շփվելով մոր միջավայրի հետ, հաճախ ապրել են շփոթվածության, չհասկացված և նույնիսկ խաբված լինելու բարդույթը («Թուրքերեն չգիտցող գավառացին», «Գավառացին Բերայի մեջ», «Կեսարացին և պոլսեցին»): Հոգեբանական այդ վիճակները գավեշտական իրավիճակներ ստեղծելով հանդերձ, նաև լուռ դրամայի պատճառն են դարձել:

Կենցաղային բնույթի այս զրույցներում մտերմիկ հեզմանքով են շեշտադրված յուրաքանչյուր ազգագրական խմբին բնորոշ առանձնահատկությունները: Ամսոռաց պատկերներով են նկարագրված կեսարացիների ճարպկությունը («Կեսարացի հայրը և տղան», «Կեսարացի աղջիկը և հրեա փերեզակը», «Կեսարացի Նազարը»), քոմարգացիների պատրաստաբանությունը [«Թոմարգացիին պատասխանը», «Թոմարգացիները և օղանավը», «Թոմարգացի «Կոճակը» և մածուն ծախող քեյզեն» (մորաքույր)], քեքիդաղցիների խնայասիրությունը («Թեքիդաղցի սկսեսուրը»), յոզդատցիների մահապետականությունը («Յոզդատցի Փիրուզը», «Յոզդատցի նշանվածները», «Փլած գացած յոզդատցի աղջիկը»), ադանացի հարսների չխոսկանությունը («Առանցի հարսը»), ակնցիների միամտությունը («Գավառացի և ակնցի պանդոկապետը»), մուսալեոցիների ինքնապաշտպանական ոգին («Մուսալեոցի պապուկին էշուկները»), ինչպես նաև այլ տեղավայրերի հայության ինքնատիպ վարք ու բարքի, կենցաղի և սովորույթների բնորոշ հատկանիշները:

Ողբերգականակերգային այս քեմատիկան իր հետագա զարգացումն է ապրում պատկերելով արտասահմանյան երկրներ գաղթած հայ գավառացիների այլայլված և շփոթահար վիճակը («Ֆրանսերեն չգիտցող գավառացին», «Ջեյթունցին Ֆրանսայի մեջ», «Թոմարգացիները Ամերիկայի մեջ»):

Ուշագրավ են նաև տարբեր ժողովուրդների վարք ու բարքը, նիստ ու կացը, իմացական և բարոյական ըմբռնումների չափանիշները, ինչպես նաև այլ ժողովուրդների հետ հայերի ունեցած վերաբերմունքը պատկերող, հանկարծակի ավարա ունեցող նորավեպային զրույցները, օրինակ՝ «Հրեային օգնող հրեան», «Խելացի հրեան», «Հրեա հոր խրատը», «Սգավոր Մաննիկը և հույն դրացին», «Ճամբորդ լազը», «Ալպանացին և ձիթայուղին շիշը», «Յուկոսլավ վարդապետը», «Պարսիկի պես մի՛ նետեր», «Ալյազգ ոստիկանապետը», «Երեք ընկեր», «Ատափազարցի կինը և քուրք կայաբանապետը» և այլ կենցաղային զրույցներ: Սրանց մեջ մշտապես նկատե-

լի է հայերի բարի-դրացիական հարաբերություններն այլազգիների հետ, ինչպես նաև իրենց արժանապատվությունը բարձր պահող հայերի անհող-դող կամքի ուժը («Կեսարիո տեր հայրը և այլազգիները», «Հայոց այբուբենի հմայքը») և ազգային ինքնության ոգին:

7. ՊԱՏՄԱԿԱՆ ՋՐՈՒՅՑՆԵՐ ԵՎ ՀՈՒՇԱՊԱՏՈՒՄՆԵՐ (71 միավոր): Մեր գրառած բանահյուսական նյութերի մեջ առանձին բաժին են կազմում պատմական բովանդակությամբ գրույցներն ու հուշապատումները, որոնք ժամանակագրական հաջորդականությամբ գեղարվեստորեն վերարտադրում են պատմական հետևյալ դեպքերն ու դեմքերը.

- Կ. Պոլսի առումից հետո Օսմանյան կայսրության հիմնադրման շրջանում սուլթան Ֆաթիհ Մեհմեդ II-ի անմիջական մախաձեռնությամբ նոր մայրաքաղաք Ստամբուլում 1461թ. Թուրքիայի Հայոց պատրիարքության հիմնադրումը՝ Հովակիմ պատրիարքի գլխավորությամբ:

- Սուլթան Մահմուդ II-ի տիրակալության օրոք Ստամբուլի ծաղկմանն ու բարգավաճմանը մեծապես նպաստած՝ սուլթանի խորհրդական, ծագումով հայ Հարություն Պեզդյան ամիրան, փողերանոցի պետ Տյուզյան ամիրա եղբայրները, իրարհաջորդ ճարտարապետներ Պալյան ամիրաները, ինչպես նաև տաղանդավոր դերասաններ (Մարտիրոս Մնակյան, Հակոբ Վաքրովյան, Մարի Նվարդ), հայտնի երաժիշտներ (Թադեոս Էֆենդի, Քեմանի Սարգիս, Ուդի Հրանդ), մտավորականներ (Հակոբ Մարթայան), որոնք անսահման նվիրվածությամբ սատարել են իրենց բնիկ երկրի քաղաքական, տնտեսական և մշակութային վերելքին:

- Սուլթան Համիդ II-ի գահակալության տարիներին քրիստոնյաների, ընդ որում, նաև հայերի նկատմամբ գործադրված բռնությունները, որոնց ընթացքում հայ պատրիարքները (Սկրտիչ Խրիմյան, Ներսես Վարժապետյան, Մաղաքիա Օրմանյան) իրենց խելամիտ և ձեռնհաս գործունեության շնորհիվ կարողացել են պահպանել հավասարակշռությունը՝ առանց խորացնելու ստեղծված պատմական կացությունը:

- Արևմտահայության համար Առաջին աշխարհամարտի դաժան տարիներին (Զավեն Տեր-Եղիայան պատրիարքի կրկնակի գահակալության օրոք) հազարավոր որբացած մանուկների և այրիացած կանանց պատսպարումը Գալֆայան, Գարակյոզյան որբանոցներում և Ս. Փրկիչ հիվանդանոցի հովանու ներքո:

- Գարեգին Ա Խաչատուրյան, Շնորհք Գալուստյան և Գարեգին Բ Գազանճյան պատրիարքների հայրապետական գործունեությունը:

- Ամենայն Հայոց կաթողիկոս Գարեգին Ա վեհափառի այցը Թուրքիա և նրա սրտառուչ հանդիպումները հայ համայնքի հետ:

- Շահեն Սվաճյան և Մեսրոպ Մուրաֆյան սրբազանների դերը հայ համայնքում:

- Մեսրոպ Մուրաֆյան սրբազանի աստվածահաճո քարոզների ազդեցությունը հայ համայնքի մեծ ու փոքր ներկայացուցիչների վրա և նրա առաքելագործ ջանքերով վերակառուցված Կեսարիայի և Մուսա լեռան Վազըֆ գյուղի եկեղեցիների վերաբացման արարողությունները:

Պատմական իրադարձություններով առլեցուն այս ժամանակաշրջանն հերթագայող դեպքերի ու դեմքերի մի ամբողջական շղթա է կազմում, որն օղակ առ օղակ բացահայտվում է պատմական արժեք ներկայացնող ժողովրդական փաստալի գրույցներով: Հետաքրքրաշարժ է «Սուլթան Համիդը և Օրմանյան պատրիարքը» պատմական գրույցը.

«Օրին մեկը Ապոյուլ Համիտի խորհրդականները կ'ըսեն անոր.

- Մուլթա՞ն, գիտե՞ս, որ հայոց պատրիարք Մաղաքիա Օրմանյան առանց արդոթելու ճաշի չի նստիր: Ան ճաշեն առաջ անպայման խաչ կը հանեն:

- Իրա՞վ կըսես: Անանկ է նե, օր մը զինքը ճաշի հրավիրենք, տեսնանք ճաշեն առաջ իմին դեմս պիտի համարձակվի՞ խաչ հանել:

Ապտյուլ Համիտը կը հրամայե մեծ ճաշկերույթ մը պատրաստել ե հրավիրել հայոց պատրիարքը:

Մաղաքիա Օրմանյան իր պատկառազորու տեսքով կը ներկայանա սուլթանին: Կը տեսնա պատրաստված ճոխ սեղանը:

Բոլորը սեղանի շուրջ կը նստին: Դեռ ուտելու չսկսած Օրմանյան պատրիարքը աջ ձեռքը վեր կը ըստնար և իր ձեռքով ցույց կուտա սեղանին վրա դրված տեսակ-տեսակ ճաշերը, բայց աննկատորեն խաչակնքելով կ'ըսե.

- Առաջ՝ ա՛ս պիտի ուտենք, ետքը՝ ա՛ս պիտի ուտենք, ետքը՝ ա՛ն, պիտի ուտենք, վերջն ալ՝ ա՛ն: Ուրեմն՝ Ամեն՞նը, - կ'ըսե ու կ'սկսի ուտել:

Ճաշկերույթը կը լմնա: Օրմանյան պատրիարքը շնորհակալություն կը հայտնե ընդունելության համար, հրաժեշտ կուտա, կերթայ:

Մուլթան Համիտը ուրախ-ուրախ կ'ըսե իր խորհրդականներուն.

- Տեսա՞ք, որ հայոց պատրիարքը ինձմե վախցավ և խաչ չի կրցավ հանել:

Խորհրդականները կ'ըսեն.

- Կը սխալիք, Մուլթա՞ն, հայոց պատրիարքը, երբ ճաշեն առաջ ձեռքով կը ցուցունեք սեղանին դրված ուտելիքները, իր ձեռքի շարժումներով արդեն իսկ խաչակնքեց սեղանը, բայց անանկ մը խաչակնքեց, որ դու չնշմարեցիր»:

Պոլսահայոց քանահյուսությունը հարուստ է նաև ՉԱՓԱԾՈ, ԶՆԱՐԱԿԱՆ քննության ժողովրդական ստեղծագործություններով, որոնք գեղարվեստորեն արտացոլում են իրենց շրջապատող քննությունից և հասարակական կյանքից ստացած քաղաքական տպավորությունները, խոհերն ու հույզերը, խինդն ու սերը, վիշտն ու տառապանքը: Երգը ուղեկցել է նրանց ողջ կյանքի ընթացքում: Պոլսահայերի երգերը կարելի է քաժանել հետևյալ խմբերի՝

1. ՕՐՈՐՈՑԱՅԻՆՆԵՐ (5 միավոր), որոնք իրենց ժանրային առանձնահատկությամբ մանկանը օրորելու, քնեցնելու մայրական գողտրիկ երգերն են («Օրո՛ր, իմ խուշիկ», «Զնացնեմ իմ աղավնիս») և այլն:

2. ՄԱՆԿԱԽԱՂԱՅ ԵՐԳԵՐԸ (14 միավոր) մեծահասակների կողմից հորինված, տարբեր տարիքի մանուկներին զվարճացնելու, զբաղեցնելու, երգային խաղեր են, որոնք արտասանվում են պարզագույն լեզվով («Էդ-րիկ-մեդրիկ», «Տան-տան», «Ծափիկ, ծափիկ» և այլն):

3. ՄԱՆԿԱԿԱՆ ԵՐԳԵՐԸ (8 միավոր) հորինված են մեծ մասամբ մանուկներին հասկանալի լեզվով՝ զաղափար տալու մանկական աշխարհի հետաքրքրությունների մասին, որոնք և պայմանավորելու են անհատի հետագա զարգացումն ու ինքնաճանաչումը («Կլորիկ-թոմպուլիկ», «Աղջիկ մըն եմ գեղադեմ», «Երբ որ ես մեծնամ», «Հայ եմ ես»):

4. ՊԱՏԱՆԵԿԱՆ ԵՐԳԵՐԸ (4 միավոր) դպրոցականների համար են կամ նրանց հորինած երգերն են, որոնց նպատակն է պատանիների և պարմանուկների մեջ կամային ու քարոյական հատկություններ սերմանել («Ողջույն, տաճար իմաստության», «Արմաշի Դպրեվանքի օրհներգը», «Կամք, աշխատանք և կորով»):

5. ՄԻՐԱՅԻՆ ԵՐԳԵՐԸ (23 միավոր) միջնադարյան հայրենների մանակությամբ հորինված ժողովրդական խաղիկներն են, որոնք արտահայտում են հոգեկան նուրբ ու քնքուշ զգացումներ: Իսկ «Մեր տունն է ձեր տան դիմաց», «Վարդ քաղելեն կու գաս, յա՛ր», «Միրտս կը թոի՝ ջաղցի քարին պես» սիրային քնարական երգերը երբեմնի գեղջկական ստեղծագործությունների արձագանքներն են:

6. ՊԱՆԴԽՏՈՒԹՅԱՆ ԵՐԳԵՐ (4 միավոր): Անցյալում Թուրքիայի գավառներից պանդխտած հայերի համար Կ. Պոլիսը մի հանգրվան էր, որտեղ նրանք գալիս էին աշխատելու, դրամ վաստակելու, որպեսզի այն իրենց հարազատներին ուղարկեն, իսկ հայրենի եզերքից խաբրիկ ակնկալող հայ պանդուխտը կարոտով լի երգել է. «Կանչե՛, կռո՛ւնկ, կանչե՛» և կամ ինքն իրեն է հուսադրել՝ «Համբերե, հոգիս, համբերե»՝ մրմնջալով:

7. ԾԻՍԱԿԱՆ ԵՐԳԵՐԸ համալրում են մկրտության, պսակադրության և հուղարկավորության ծեսերի վերաբերյալ մեր գրառած ազգագրական նյութերը:

Ա. ՀԱՐՍԱՆԵԿԱՆ ԵՐԳԵՐ (19 միավոր): Հարսին գովերգելով հանդերձավորելու, նրա օժիտը հանդիսավոր կերպով փեսայի տունը տանելու ծիսական արարողական երգերի հմաբույր նշումներ են. «Քարվան էլավ Հալալու քաղքեն», «Աղջիկն ալ կը տանին լալով, ողբալով», իսկ առավել լավատեսական են «Երանի քեզ, ա՛յ աղջիկ», «Տեր պապան պսակ կ'ընես» ծիսական երգերը:

Բ. ՏՈՆԱԿԱՆ ԵՐԳԵՐ (34 միավոր): Պոլսահայերը սրբությամբ պահպանում են ոչ միայն իրենց հմամենի եկեղեցիները, այլև հեթանոսական ակունքներ ունեցող քրիստոնեական ու տերունական տոները և այդ տոների ժամանակ կատարված ժողովրդական երգերը («Մ. Ծնունդի երգ», «Ֆթումի երգ», «Կաղանդի երգ», Չատիկը եկավ», «Համբարձման և Վարդավառի վիճակահանության երգեր ու մանիներ»), որոնք հորինվել են ոչ միայն հայերեն, այլև թուրքերեն:

8. ԿԵՆՑԱՂԱՅԻՆ ՈՒ ՋԱՎԵՇՏԱԿԱՆ ԵՐԳԵՐԸ (11 միավոր) մեծ մասամբ խրախճանքների ժամանակ երգվող, ծիծաղ հարուցող ստեղծագործություններ են «Պսակվելես առաջ հանգիստ կ'ապրեի», «Աղջկան՝ կարմիր ֆիստան», «Մանտոլին չալելեն-չալելեն», ինչպես նաև «Շարժի՛ր, շարժի՛ր, քաշկիմակը», «սո՛ւտ է, սո՛ւտ է», «Հալա, հալա, հալա, Նինոյի» գավեշտական խոսքերով պարերգերը, որոնք կոչված են ներկաների մեջ ցնծալի տրամադրություն հարուցելու:

9. ԲՆՈՒԹՅԱՆ ԵՐԳԵՐ (9 միավոր): Պոլսահայերը ոչ միայն բարեպաշտ են այլև՝ բնապաշտ: Նրանց համար հավասարապես ներշնչանքի աղբյուր են և՛ Մարմարայի կապուտակ ծովը («Ծովին վրայ»), և՛ սաղարթախիտ անտառը («Անտառ գացի»), և՛ երկնքի ամհունի մեջ ազատորեն ճախրող թռչունները («Հաշհատիկ-Արագիլ»), և՛ թավիշ մարգագետիններում արածող կենդանիները («Միրուն, ամմեղ իմ գառնուկ»), և՛ հուտքի բնության պարզևած պես-պես բարիքներն ու պտուղները («Որտեղ ինչով է հայտնի»):

ԱՍՈՒՅԹԱՅԻՆ ԲԱՆԱՀՅՈՒՍՈՒԹՅՈՒՆ բաժնում գրառված նյութերը քանակապես ավելի շատ են.

1. ԱՌԱՃ-ԱՄԱՅՎԱԾՔՆԵՐ (370 միավոր): Բանահյուսական այս ժանրի մեջ սեղմ ու պատկերավոր կերպով արտացոլված են պոլսահայոց հասարակական կյանքի պատմական, կենցաղային պայմանները, նրանց

քննվողության և խառնվածքի առանձնահատկությունները, բարոյական հասկացությունները, ազգային սովորույթները, հավատալիքներն ու կրոնը, հոգեբանությունն ու աշխարհայացքը: Օրինակներ՝ «Գացինք Թոխաք, դարձանք սախաք», «Բանը՝ օրվան, դերդը՝ տարվան», «Արհեստ ունեցողը մինչև ցերեկ անոթի կը մնա, չունեցողը՝ մինչև գիշեր», «Մզկիթը ինչքան ալ մեծ ըլլա, մոլլան իր գիտցած «ալլահու աքքարը» պիտի կարդա», «Փնտրողը Աստուած է գտեր»:

2. **ԽՐԱՏԱԿԱՆ ԱՍԱՅՎԱԾՔՆԵՐ** (200 միավոր) բարոյախոսական ասույթներ են, որոնք ուսուցողական, դաստիարակիչ նպատակ ունեն և մեծ մասամբ կյանքի վտրձությանը իմաստնացած ավագ սերնդի հորինածներն են: Խրատական ասացվածքները անփորձ երիտասարդներին սպառնացող վերահաս վտանգը կանխող և նախազգուշացնող հանգամանք ունեն՝ հորդորական հրամայականով արտահայտված, ինչպես՝ «Մի՛ վստահիր ուժիդ, դրամիդ, գեղեցկությամդ՝ անցավոր են», «Երջանիկ ըլլալէ ավելի՝ նմանը երջանկացուր», «Միակ քանը, որ պիտի մնա, եթե ունիս, առաքինությունդ և բարիքներդ պիտի մնան՝ կոթող», «Հիշե՛, որ մերկ եկար աշխարհ և մերկ պիտի մեկնիս աս աշխարհեն»:

3. **ԱՆԵԾՔՆԵՐ** (50 միավոր): Պոլսահայերը շատ անեծքներ չունեն, քանի որ եկեղեցին ևս մշտապես սաստում է՝ «Մի՛ անիծիր»: Հետևաբար, նրանք վատ մարդու դատաստանը թողնում են Աստծո նախախնամությանը. «Աստուծոն գտնաս, ինչալլա՞ն» և այլն:

4. **ՕՐՀՆԱՆՔՆԵՐ** (100 միավոր): Պատկերավոր և խորիմաստ ժողովրդական հակիրճ այս ստեղծագործությունները հազեցած են կենսասիրությանը և արժանավոր մարդու նկատմամբ տածվող ջերմ ու քնքուշ վերաբերմունքով: Այս վտքրիկ բանաձևերի մեջ գնահատանքի չափանիշ են դառնում արևը՝ որպես կյանքի խորհրդանիշ, ինչպես նաև քնաշխարհի հողն ու ջուրը, ծաղիկն ու տերևը. «Արևդ պայծառ մնա», «Հող բռնես՝ կանաչ թող դառնա», «Ջուրի պես երկար կյանք ունենաս», «Քալած տեղդ՝ վարդ թող բուսնի», «Ձիթենու վրա ինչքան տերև կա, այնքան տարի թող ապրիս»:

5. **ԴԱՐՁՎԱԾՆԵՐ** (270 միավոր): Պոլսահայոց բանավոր խոսքը հեղեղված է պատկերավոր, խորիմաստ դարձվածներով ու թևավոր խոսքերով: Հանգամանք, որն անկրկնելի ու գունեղ է դարձնում նրանց բանավոր խոսքը. «Ջուրը պատեն վեր կը հանե» (դժվարացնել). «Դյուղյուկը չալել» (խոսքը առաջ տանել), «Լեզուն քերնին մեջ կը դառնա» (լեզվանի), «Կրակի գին» (սուղ), «Օրորոցը օրորել» (երախտիք ունենալ):

6. **ՀԱՆԵԼՈՒԿՆԵՐԸ** (42 միավոր) այլաբանորեն նկարագրում են առարկան և նրա հատկանիշները գաղտնագրված ձևով՝ գաղափար տալով մարդու մարմնի մասերի (սիրտ, ականջ, բերան, քիթ, աչք, լեզու), բնության երևույթների (արև, լուսին, անձրև), բույսերի (սոխ, կիտրոն, արևածաղիկ), կենդանիների (ծուկ, օձ, հնդկահավ), ինչպես նաև մարդկային քաղաքակրթության նվաճումների (եկեղեցի, գիրք, ժամացույց, ջութակ) և այլնի մասին: Օրինակ՝ «Ան ի՞նչն է.

Մարդուն ամենեն լաւ բարեկամն է.

Գեշություն չունի, չարություն չունի,

Հաց չուզեր, ջուր չուզեր,

Նեղություն չի տար.

Բայց՝ օգուտ կու տա» (Գիրք):

7. ՇՈՒՏԱՍԵԼՈՒԿՆԵՐԸ (5 միավոր) միանման բառերի և հնչյունների շարահարություններն են, որ հարկ է առանց սխալվելու արտասանել: Օրինակ՝ «Չուկը ուտեմ, մուկը նետեմ, մուկը նետեմ, ձուկը ուտեմ»:

8. ՀԱՆԳԱՎՈՐ ԱՍՈՒՅԹՆԵՐԸ (23 միավոր) հանգավորված, ներդաշնակ ու երաժշտականացված երկխոսական ասույթներ են՝ հաճախ օգտագործվող առօրյա բանավոր խոսքի մեջ: Օրինակ՝

« - Հա՛մմե:

« - Փա՛ռք քեզ, Տե՛ր:

- Շաքա՛ր ծամե» կամ՝

- Պեքեարները (ամուրի) կարգե, Տե՛ր»:

9. ՀԱՎԱՏԱԼԻՔՆԵՐ (28 միավոր): Թեպետ պոլսահայերը հավատացյալ քրիստոնյաներ են, սակայն դեռ մինչև օրս առօրյա կենցաղում պահպանվում են սնահավատության որոշ վերապրուկներ, որոնք առավել քան վերածվել են պատկերավոր խոսքի, ինչպես, օրինակ՝ «Եթե աչքդ խաղա՛ հյուր պիտի գա», «Եթե աղը թափվի՛ տունի՞ն մեջը կռիվ պիտի ըլլա», «Եթե շաքարը թափվի՛ տունի՞ն մեջը սեր-մուռապեթ կ'ըլլա»:

10. ԱՂԹՔՆԵՐ (20 միավոր): Պոլսահայերը, ընդ որում նաև քրքախոսները, զրեթե բոլորն անխտիր գիտեն տերուճական «Հայր մերը» և ուրիշ աղոթքներ: Սակայն հմայական բնույթի աղոթքները ոչ բոլորին են հայտնի, այլ՝ միայն «զերքնական զորությանը օժտված» անհատներին: Քանի որ այդ աղոթքները արգելված (տարու) են համարվում, և բանասացները հավատում են, որ բարձրաձայն արտասանելիս կզրկվեն ի վերուստ իրենց տրված շնորհքից, ուստի բավական դժվար էր հայտնաբերել և գրի առնել «Չար աչքի», «Չար Նազարի», «Օձը խայթածի», «Մանկան վտրացավի» և այլ հմայական բնույթի աղոթքները:

Այս բաժնում առանձին շարք են կազմում Տեր Հիսուս Քրիստոսին, ինչպես նաև Ս. Մարիամ Աստվածածնին, Ս. Մարգարիտ, Հովհան Ռսկեբերանին և այլ սրբերին ուղղված հայերեն, ինչպես նաև թուրքալեզու աղոթքները.

«Զաթդըմ սաղըմա, դյոնդիմ՝ սուլըմա, «Պառկեցի աջ կողմիս, դարձա ձախ կողմիս,

Մեկերեք շափիդ օլսուն դինիմի, Հրեշտակները թող վկա լինեն իմանըմա.

կրոնքիս և հավատքիս.

Ալլահ՝ բաշ, Հիսուս՝ յուդաշ.

Աստված գլխավորս է, Հիսուս՝ ուղեկիցս.

Քիմ քիմե քյոթյուլըք յափաբսա՝ Ով մեկին վատություն անի՝

Բերանը՝ կղպվի, լեզուն քար դառնա.

Ամենն»:

Ամենն»:

Ժողովրդական այս ստեղծագործությունները ժանրային առումով գողտրիկ աղերս-խնդրանքներ են, որոնք Երկնավորից հայցում են ոչ այնքան նյութական բարեկեցություն, որքան ոգեղեն շնորհներ, որոնք ոչ միայն անձնական են, այլև՝ անանձնական.

«Ամենասուրբ Երրորդություն՜ն,
Տո՛ւր հիվանդաց բժշկություն
Եվ մեր մեղացս՝ թողություն,
Ազգիս հայոց՝ սեր-միություն
Եվ աշխարհիս՝ խաղաղություն.

Ամենն»:

Այսպիսով՝ սփյուռքահայության ներկայիս մշակութային տարրալուծման պայմաններում մեր անձնական նախաձեռնությամբ գրի առնված և

կորստից փրկված խնդրո առարկա բանահյուսական նշխարներն իրենց պատմաճանաչողական արժեքով դառնում են արդի պոլսահայոց ավան-դապահորթյան մակարդակի առարկայական վկայությունները:

**АРМЯНСКАЯ ОБЩИНА КОНСТАНТИНОПОЛЯ И ЕЕ
УСТНОЕ НАРОДНОЕ ТВОРЧЕСТВО**
(по этнографическим наблюдениям 1996 и 1997 гг.)

В. Г. СВАЗЛЯН

Р е з ю м е

Армянское Патриаршество Турции (основанное в 1461г.) как в прошлом, так и в настоящем организует и руководит религиозными, образовательными, благотворительными, литературными и художественными мероприятиями армянской общины.

В Стамбуле насчитывается 60 тысяч армян, а в провинциях 5 тысяч. Здесь армяне имеют 42 церкви, 18 школ. Издаются газеты "Жаманак", "Нор Мармара", "Акос", патриаршеский орган "Лрабер", церковно-культурный журнал "Шогакат" и ежемесячный журнал национальной больницы "Сурп Пркич".

В результате поездок (1996 и 1997гг.) нам удалось записать и спасти от неминуемой гибели фольклорные материалы эпического, лирического и фразеологического характера, а также этнографические материалы (всего 1517 единицы).

Эти своеобразные и самобытные материалы дают представление о переселившейся из провинции и поселившейся в Стамбуле современной армянской общине Константинополя, о ее прошлом и настоящем.